


ANTÓN
LOSADA
DIÉGUEZ

FUNDACIÓN

desierto estudiocatando



premio
antón
losada
diéguer
xxvi edición



b a s e s

Bases Premio Antón Losada Diéguez

XXVI Edición

I.- A Fundación Antón Losada Diéguez, en colaboración cos concellos de Boborás e O Carballiño, ámbolos dous de Ourense e coa colaboración da Exma. Deputación Provincial de Ourense, convoca o premio anual "Antón Losada Diéguez", na súa vixésima sexta edición, instituído por ámbolos dous Concellos, para contribuir ó fomento da cultura galega polo que loitou o ilustre mestre e guieiro Antón Losada Diéguez. Serve tamén este premio para perpetuar a memoria daquela insignie galeguista nado nestas terras.

II.- Consistirá o devandito premio na dotación dunha cantidade total de DOCE MIL EUROS (12.000 €) para premiar dúas obras xa publicadas, unha delas no eido da CREACIÓN LITERARIA, outra no eido da INVESTIGACIÓN E ENSAIO. Cada unha das obras será premiada coa cantidade de SEIS MIL EUROS (6.000 €).

III.- A lingua na que se editen as obras será a propia do orixinal, que inescusablemente estará escrito en lingua galega. Non será considerado ningún tipo de obras traducidas de orixinais publicados inicialmente en calquera outra lingua.

IV.- Serán consideradas polo xurado as obras de creación literaria ou de investigación e ensaio, editadas por calquera editorial, particular ou institución que publique libros en galego e que non fosen premiados noutros certames, podendo residir as editoras dentro ou fora de Galicia.

Quedan excluídos textos de uso escolar, edicións por fascículos e as de luxo ou de tirada restrinxida. De igual xeito, non serán consideradas as reimpresións ou outras edicións posteriores á primeira.

V.- O Xurado terá en consideración todas aquelas obras que sexan incluídas dentro do eido da creación literaria ou no da investigación e ensaio. Nesta vixésima sexta edición do premio "Antón Losada Diéguez", serán válidas as que teñan data de impresión comprendida entre o 1 de xaneiro de 2010 ata o día 31 de decembro do 2010. O prazo de presentación das mesmas pecharase o día 31 de xaneiro de 2011.

VI.- O Xurado é soberano tanto na escolma e consideración das obras participantes coma na designación das dúas obras premiadas. A decisión do Xurado será, en todo caso, inapelable. O Xurado emitirá a súa decisión no Pazo de Moldes o día 30 de abril do 2011, explicando os motivos que o levaron a escoller tales obras.

Esta decisión farase pública polos medios de comunicación de Galicia. O xurado poderá declarar deserto o Premio "Antón Losada Diéguez" tanto parcialmente, como na súa totalidade. En ambos eidos, e de concederse, o premio deberá ser outorgado a unha única obra.

VII.- O xurado do premio "Antón Losada Diéguez" presidido polo presidente da Fundación e alcalde-presidente do Concello de Boborás, estará composto, ademais, polo vice-presidente da Fundación e alcalde-presidente do Concello do Carballiño e por un representante nomeado por cada unha das institucións culturais seguintes:

- REAL ACADEMIA GALEGA.
- CONSELLO DA CULTURA GALEGA.
- MUSEO DO POBO GALEGO.
- DEPUTACIÓN PROVINCIAL DE OURENSE.
- CÁTEDRA DE LINGUA E LITERATURA GALEGA DA UNIVERSIDADE DE SANTIAGO DE COMPOSTELA.
- UNIVERSIDADE DE VIGO.
- UNIVERSIDADE DA CORUÑA.

Actuará como secretario deste xurado, con voz e sen voto, o secretario da Fundación. De tal xeito, actuará como membro do xurado, con voz e sen voto, a Presidenta Honorífica da mesma.

VIII.- A entrega oficial do premio "Antón Losada Diéguez", na súa vixésima sexta edición, ós autores ou autoras premiadas (creación literaria e investigación e ensaio), farase o día 11 de xuño do 2011 e terá lugar no transcurso dun acto literario a celebrar no PAZO DE MOLDES, do Concello de Boborás, onde naceu e viviu o ilustre Antón Losada Diéguez.

IX.- A secretaría técnica desta vixésima sexta edición terá como sede o Concello do Carballiño, onde todos os editores interesados poden enviar as publicacións que consideren oportunas, dentro das condicións e prazos establecidos polas bases. O número de exemplares a presentar por cada obra será igual ao de membros do xurado (nove exemplares). Estas obras non serán devoltas e pasarán ós fondos das bibliotecas de cada unha das institucións representadas no xurado.

Pazo de Moldes
32514 MOLDES - BOBORÁS (Ourense)
Telf. 988 402 008
www.antonlosadadieguez.es